



Infurmaziuns dalla suprastanza communal da digl cumeegn Albula/Alvra:

### **Mars / avregl 2020**

- La suprastanza ò examino ed approvo diversas dumondas da biagier. La suprastanza ò piglia cunaschientscha dallas lubientschas da biagier concedidas durant igls meis da mars 2020 ed avregl 2020 an procedura da lubientscha da biagier simpla.
- Sa basond allas ancunaschientschas digl forum da cumeegns digl parc Ela digls 20 da favrer 2020, ò la suprastanza approvo igl «nov» contract 2022 anfignen 2031 cun igl parc Ela.
- Igl 42avel rapport annual 2019 digl uffezi digl codesch funsil Alvra, è nia approvo e delibero dalla suprastanza.
- La cumischung da provedimaint «abitadi» (bova da Brinzauls) s'occupa igl mument digl scenari «translocaziun». Sen recumandaziun dalla cumischung, ò la suprastanza delibero en credit brut an import da CHF 72'000.00 per elaborar en studi davart igl basigns d'ager ord vista dalla planisaziun da territori ed evaluaziun digl li. Igl cantun ò ampurmess ena contribuziun an import da 50 %.
- Igl grond muvimaint dalla costa da Brienz/Brinzauls è igl muteiv da far diversas misi-raziuns per garanteir la siertad aint igl territori d'acziun dalla bova. Tranter oter duess neir exequeida en'analisa quantitativa dalla derotta sen basa da process orientos alla modullaziun. Per l'execuziun dalla registraziun da datas dalla LiDAR-/registraziuns da datas fotometricas ed evaluaziun, ò la suprastanza delibero en credit da CHF 65'200.00 e per la creaziun d'en test da model correspondent sot rubrica «valetaziun da datas e visualisaziun», en credit da CHF 51'000.00.
- An connex cun igl credit concedia dalla radunanza communal per l'amplificaziun digl concept da pastgiras e bavradoirs ad Alvagni, èn neidas surdadas las lavours da construcziun e sanitaras. Chellas lavours duessan neir exequeidas durant la stad/aton 2020.
- La suprastanza ò surdo las lavours da construcziun idraulica, an connex cun la revitalisaziun dalla Landwasser – Alvra.
- Igl cumeegn Albula/Alvra è pertutgia perveia dalla midada da possessour dalla veia cantunala H417 e H3 ainten la veia naziunala N29 Tusang-Silvaplana. Agl rom digl transferimaint da proprietad, ò la suprastanza approvo igls contracts sottamess.
- Per la planisaziun dalla renovaziun digl indrez da produciun termica digl complex da scola Cumpogna, è nia delibero en credit da CHF 9'600.00.

- Igl stab directiv digl cumegn Albula/Alvra (SDC/GFS) ò destino igl complex da scola Alvaschagn scu li da gestiun substitutiv. Per l'installaziun d'ena colliaziun d'urgenza per garanteir igl provedimaint d'energeia, è nia approvo en credit an import da CHF 3'200.00.
- Sa basond allas recumandaziuns dalla cumischung da prievels 2, ò la suprastanza decida da relascher ena zona da planisaziun d'en onn per Brienz/Brinzauls (cun excepziun dalla zona da biagier da vischnanca) scu er per parts da Vasarauls, Casti e Surava.
- An connex cun la realisaziun dalla renovaziun digl provedimaint d'ava ad Alvaschagn, ò la suprastanza surdo lavours an import da radond CHF 1.52 milliuns. Igl credit delibero monta CHF 2.64 milliuns.
- Per la montascha d'en bypass aint igl reservuar da Rand a Casti, è nia approvo en credit an import da CHF 30'000.00.
- La suprastanza ò decida d'annullar mintgamai pass per pass igl scumond d'anviern sen las veias communalas (veias da fons, - aclas ed alps).
- La sanaziun dalla Veia Purgiera ò entant pudia neir terminada. Cun igl intent da verifitgier las relaziuns da possess, ò la suprastanza accepto igls dus contracts da compra (acquist da taragn).
- La tgesa communal da Casti è neida destinada digl stab directiv digl cumegn Albula/Alvra scu li da gestiun. Per sierar igl provedimaint d'energeia, è nia approvo en credit an import da CHF 10'700.00. L'installaziun correspondententa succeda aint igl transfurmatour da vischnanca l'ò manivel.
- Igl rendachint dalla basa da pumpiers Albula/Alvra è nia approvo e delibero.

La suprastanza communal